

Komited sediakan kemudahan lengkap kepada penduduk Sendayan

SEREMBAN - Matrix Concepts Holdings Berhad dan QSR Brands (M) Holdings Berhad menjalinkan kerjasama untuk membina restoran makanan segera, KFC yang pertama di Bandar Sri Sendayan.

Pengerusi Matrix Concepts Holdings Berhad, Datuk Mohamad Haslah Mohamad Amin berkata, pihaknya sangat komited dalam menyediakan kemudahan dan perkhidmatan yang lengkap kepada komuniti di kawasan tersebut.

Katanya, dengan adanya restoran itu nanti, ia akan memberi kemudahan kepada lebih 50,000 penduduk sekitar Sendayan termasuk Gadong Jaya untuk menikmati makanan segera ini tanpa perlu ke pusat bandar Seremban.

"Kita sangat komited dalam menyediakan per-



Datuk Mohamad Haslah (empat dari kanan) bersama Datuk Mohamed Azahari (lima dari kanan) semasa Majlis Pecah Tanah Restoran KFC Cawangan ke 700 di Bandar Seri Sendayan, semalam.

khidmatan dan kemudahan kepada penduduk di sekitar Sendayan ini.

"Kemudahan dan ke-selesaian komuniti di sini sangat diberi keutamaan dalam

memastikan pembangunan yang berlangsung di Sendayan ini dapat dinikmati oleh penduduk sekitar secara berterusan," katanya.

Beliau berkata demi-

kian pada sidang media Majlis Menandatangani Perjanjian dan Pecah Tanah Restoran KFC Cawangan ke 700 di Bandar Seri Sendayan, semalam.

INFO • Dengan adanya restoran itu nanti, ia akan memberi kemudahan kepada lebih 50,000 penduduk sekitar Sendayan termasuk Gadong Jaya untuk menikmati makanan segera ini tanpa perlu ke pusat bandar Seremban

Turut hadir, Pengarah Urusan QSR Stores (M) Holdings Berhad, Datuk Mohamed Azahari Kamil dan Pengarah Urusan Kumpulan Matrix Concepts, Datuk Lee Tian Hock.

Restoran KFC ini dijangka siap pada September 2018 dengan keluasan 0.40 hektar, dan mampu menempatkan lebih 600 pengunjung dalam satu masa.

Sementara itu, menurut

Mohamed Azahari, konsep reka bentuk restoran di Sendayan ini akan berbeza berbanding tempat lain, yang mana pihaknya akan menempatkan ciri-ciri kontemporari serta mesra alam sebagai peneraju pendekatan reka bentuk restoran itu nanti.

Katanya, konsep yang diketengahkan itu nanti sebagai melengkapkan gaya hidup kejiranan dalam menyediakan pengalaman yang seronok serta berorientasikan kekeluargaan.

Tambahnya, kewujudan jenama KFC di Bandar Sri Sendayan akan bertindak sebagai pemangkin dalam mengalu-alukan jenama yang lebih dikenali di bandar ini sejajar dengan aspirasi Matrix Concepts untuk Bandar Sri Sendayan yang serba lengkap, lestari dan perbandaran yang meriah.